

LA USC DI LADINS – VENERDÌ 2 AGOSTO 2013

♦ I mercui dla cultura ladina

Set encontedes, vigni mercui, per conesce la storia, l'ert y les tradizions de Ampez

La Union di Ladis de Anpezo, deberieda con l Comun y con l'Istitut Cultural Ladin "Cesa de jan" à metù da jì chest istè set encontedes entour per Ampezo, per ti fé conesce la storia, l'ert y la cultura a chi che vegn da foradecà, ma ence a la jent dl post. Al sarà l professour Paolo Giacomel che acompagnarà i vijitadours. Les prumes does encontedes é stedes al Ciastel de Peutelstein y tl zenter de Cortina, olà l professour à conté di monumenc plu emportanc dl paisc, pian via da la "Ciasa dei Pupe", depenta dai pitours Ghedina. Les encontedes jirà inant ence per dut agost, fina de setember. Ai 07/08 vegniràl vijité la picera glieja de San Francesch, ai 14/08 la glieja dla Madona dla Difesa. Ai 21 de agost saràl n'autra vijita al Ciastel de Peutelstein y ai 28 d'agost condujarà Giacomel i vijitadours a vijité la basilica de San Iaco. La ultima econteda sarà ai 4 de setember, can che an jirà su per bosch, su per Sant'Hubertus per scuté su le stories y les lijendes de cheles does eles che s'ova fat su n Ciastel a la fin dl Otcent. Per deplù informazions pòn scrive na e-mail a la miscion ra.ulda@tin.it o telefonè al numer 0436/868615.



Vigni mercui, per dut istè, per conesce la storia y la cultura de Cortina d'Ampez.